



244
Def.iss

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj:01-7-02-2-6355/21
Sarajevo, 18.01.2021. godine

20-01-2021
01 04 41956-49-180

**SKUPŠTINA KANTONA SARAJEVO
N/R PREDSDJEDAVALAČEŠĆE SKUPŠTINE**

20

PREDMET: Odgovor na zastupničku inicijativu zastupnice Kristić Danijele, dostavlja se;

VEZA: Vaš akt broj: 01-4-41956-49/20 od 21.12.2020. godine.

U prilogu akta dostavljamo Vam odgovor na zastupničku inicijativu zastupnice Danijele Kristić u skladu s članom 219. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst – br:41/12, 15/13, 47/13, 47/15, 48/16, 9/20 i 14/20) upućenu na Radnoj sjednici Skupštine Kantona Sarajevo, održanoj dana 21.12.2020. godine, u okviru tačke Dnevnog reda „Poslanička/zastupnička pitanja, inicijative i odgovori.“

Ministarstvo unutrašnjih poslova Kantona Sarajevo, Uprava policije je pripremila odgovor, koji se odnosi na saobraćajno i operativno osiguranje olimpijskih terena na Igmanu i Bjelašnici u zimskoj sezoni 2020/2021. godine.

Prilog:

1. Akt Uprave policije broj: 02/2-03-2-5352/20 od 15.01.2020.godine,
2. CDX 1.



Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
S A R A J E V O

15 -01- 2021
1965/21

Broj: 02/2-03-2-5352/20
Datum: 15.01.2021. godine

MUP KANTONA SARAJEVO
n/r sekretara

PREDMET: Zastupnička inicijativa Zastupnice Danijele Kristić, odgovor, d o s t a v l j a s e;

VEZA: Vaš akt broj: 01-02-2-6355/20 od 24.12.2020. godine

Zastupnica Danijela Kristić je na sjednici Skupštine Kantona Sarajevo, održanoj dana 21.12.2020. godine, pokrenula **zastupničku inicijativu**:

„Ovim putem podnosim inicijativu za podizanje mjera sigurnosti Ski centra Bjelašnica - Igman u cilju smanjenja rizika na skijalištu

Obrazloženje:

U Ime inicijative za Bjelašnicu koja okuplja ljubitelje skijanja i planina uopšte, molimo Vas za hitnu reakciju i angažman REDARA na olimpijskim skijalištima sa ovlastima kako to nalaže Zakon o javnim skijalištima (31.12.2012.g., Sl.glasnik br.54.)“

U subotu, 19.12.2020.g. na Bjelašnici je teško povrijeđen 7-godišnji skijaš, član Ski kluba Bjelašnica, jer je na njega u velikoj brzini naletio odrasli skijaš. Skijaši su svjesni da ovaj rekreativni sport nosi svoje rizike, no teško je biti zaštićen od drugih nesavjesnih skijaša. Redari su stoga prijeko potrebni skijalištu, kako to i Zakon o javnim skijalištima nalaže (ČI.51 i ČI.52). Ne sporeći da ZOI84 možda i ima redarsku službu, većina skijaša ne uočava redare u označenim uniformama, pa se ne može ni požaliti kad primijeti nesavjesne skijaše koji ugrožavaju sigurnost ostalih. Redari svakako trebaju biti odlični skijaši, jer cilj nije samo ispunjavanje forme redarske službe.

U skladu sa Članom 52, stav (2), te Članom 55, Zakona o javnim skijalištima, očekujemo da MUP KS stavi na raspolaganje ovlaštena službena lica, obučena za upotrebu skija, za podršku redarskoj službi.

Slijedom informacije da je po ranijem zahtjevu Inicijative za Bjelašnicu organizovano polaganje odgovarajućeg ispita za redare pri Ministarstvu privrede KS, molimo za dostavljanje ažurirane informacije o navedenom.

Molimo hitno očitovanje i reakciju ZOI84, Ministarstva privrede KS i Ministarstva unutrašnjih poslova KS o poduzetim mjerama, a u cilju prevencije skijaških nesreća i uopšte većoj sigurnosti skijaša Ski centra Bjelašnica – Igman.“

Odgovor na zastupničku inicijativu:

Dana 07.12.2020. godine, Uprava policije MUP-a Kantona Sarajevo, donijela je Plan fizičkog, saobraćajnog i operativnog osiguranja olimpijskih terena na Igmanu i Bjelašnici u zimskoj sezoni 2020/2021. godine.

S tim u vezi, policijski službenici Uprave policije MUP-a Kantona Sarajevo, na pomenutom lokalitetu preduzimaju planske aktivnosti koje imaju za cilj, spriječavanje izvršenja krivičnih djela, narušavanje javnog reda i mira, nesmetano odvijanje saobraćaja, kao i spriječavanje svih drugih negativnih pojava i događaja koji mogu uticati na sigurnosni aspekt zimske sezone.

Također, dana 11.01.2021. godine, zaključen je Sporazum o poslovno-tehničkoj saradnji između KJP „ZOI 84“ Olimpijski centar Sarajevo i Uprave policije MUP-a Kantona Sarajevo za period zimske sezone 2020/2021. Predmet ovog Sporazuma je uzajamna i zajednička saradnja sporazumnih strana na lokalitetu Ski centar Bjelašnica – Igman u periodu trajanja zimske sezone 2020/2021, gdje će policijski službenici Uprave policije, sukladno svojim nadležnostima, svakodnevno obavljati policijske poslove.

